

[35:1]

וַיִּקְהַל מֹשֶׁה אֶת־כָּל־עַדְת בְּנֵי יִשְׂרָאֵל וַיֹּאמֶר אֲלֵהֶם אֱלֹהֵי הַדְּבָרִים אֲשֶׁר־צִוָּה יְהוָה
לַעֲשׂוֹת אִתְּכֶם:

[35:2]

שֵׁשֶׁת יָמִים תַּעֲשֶׂה מְלֶאכֶה וּבַיּוֹם הַשְּׂבִיעִי יִהְיֶה לְכֶם קֹדֶשׁ שַׁבַּת שַׁבְּתוֹן לַיהוָה
כָּל־הָעֹשֶׂה בּוֹ מְלֶאכֶה יוּמָת:

[35:3]

לֹא־תַבְעֲרוּ אִישׁ בְּכָל מְשֻׁבְּתֵיכֶם בַּיּוֹם הַשַּׁבָּת:

[35:4]

וַיֹּאמֶר מֹשֶׁה אֶל־כָּל־עַדְת בְּנֵי־יִשְׂרָאֵל לֵאמֹר זֶה הַדְּבָר אֲשֶׁר־צִוָּה יְהוָה לֵאמֹר:

[35:5]

קָחוּ מֵאִתְּכֶם תְּרוּמָה לַיהוָה כֹּל נְדִיב לִבּוֹ וּבִיאָה אֵת תְּרוּמַת יְהוָה זָהָב וְכֶסֶף וּנְחָשֶׁת:

[35:6]

וּתְכֵלֶת וְאַרְגָּמָן וְתוֹלַעַת שָׁנִי וְשֵׁשׁ וְעִזִּים:

[35:7]

וְעֹרֹת אֵילָם מְאָדָּמִים וְעֹרֹת תְּחָשִׁים וְעֹצֵי שִׁטִּים:

[35:8]

וְשֹׁמֶן לַמֶּאֱוֹר וּבִשְׂמִים לְשֹׁמֶן הַמִּשְׁחָה וְלִקְטֹרֶת הַסַּמִּים:

[35:9]

וְאַבְנֵי־שֹׁהַם וְאַבְנֵי מְלֵאִים לְאַפֹּד וְלַחֹשֶׁן:

[35:10]

וְכָל־חֲכֵם־לֵב בְּכֶם יָבֹאוּ וַיַּעֲשׂוּ אֵת כָּל־אֲשֶׁר צִוָּה יְהוָה:

[35:11]

אֶת־הַמִּשְׁכָּן אֶת־אֹהֶלוֹ וְאֶת־מִכְסֵהוּ אֶת־קַרְסָיו וְאֶת־קַרְשָׁיו אֶת־בְּרִיחָו אֶת־עַמֻּדָיו
וְאֶת־אֲדָנָיו:

[35:12]

אֶת־הָאָרוֹן וְאֶת־בַּדָּיו אֶת־הַכַּפֹּרֶת וְאֶת פְּרֹכֶת הַמָּסָךְ:

[35:13]

אֶת־הַשֻּׁלְחָן וְאֶת־בַּדָּיו וְאֶת־כָּל־כֵּלָיו וְאֶת לֶחֶם הַפָּנִים:

[35:14]

וְאֶת־מִנְרַת הַמָּאֹר וְאֶת־כִּלָּיהָ וְאֶת־נֹרְתֶיהָ וְאֶת שֶׁמֶן הַמָּאֹר:

[35:15]

וְאֶת־מִזְבַּח הַקְּטֹרֶת וְאֶת־בַּדָּיו וְאֶת שֶׁמֶן הַמִּשְׁחָה וְאֶת קְטֹרֶת הַסַּמִּים וְאֶת־מָסַךְ
הַפֶּתַח לַפֶּתַח הַמִּשְׁכָּן:

[35:16]

אֶת | מִזְבַּח הָעֹלָה וְאֶת־מִכְבַּר הַנְּחֹשֶׁת אֲשֶׁר־לוֹ אֶת־בַּדָּיו וְאֶת־כָּל־כֵּלָיו אֶת־הַכִּיֹּר
וְאֶת־כַּנּוֹ:

[35:17]

אֶת קַלְעֵי הַחֹצֵר אֶת־עַמֻּדָיו וְאֶת־אֲדָנֶיהָ וְאֶת מָסַךְ שַׁעַר הַחֹצֵר:

[35:18]

אֶת־יִתְדֹת הַמִּשְׁכָּן וְאֶת־יִתְדֹת הַחֹצֵר וְאֶת־מִיתְרֵיהֶם:

[35:19]

אֶת־בַּגְּדֵי הַשָּׂרָד לְשָׂרְתָּ בַקֹּדֶשׁ אֶת־בַּגְּדֵי הַקֹּדֶשׁ לְאַהֲרֹן הַכֹּהֵן וְאֶת־בַּגְּדֵי בָנָיו לְכַהֵן:

[35:20]

וַיָּצְאוּ כָּל־עֵדֶת בְּנֵי־יִשְׂרָאֵל מִלִּפְנֵי מֹשֶׁה׃

[35:21]

וַיָּבֹאוּ כָּל־אִישׁ אֲשֶׁר־נָשְׂאוֹ לִבּוֹ וְכֹל אֲשֶׁר נָדְבָה רוּחוֹ אֹתוֹ הֵבִיאוּ אֶת־תְּרוּמַת יְהוָה לְמִלְאֶכֶת אֹהֶל מוֹעֵד וְלְכָל־עֲבֹדָתוֹ וּלְבִגְדֵי הַקֹּדֶשׁ׃

[35:22]

וַיָּבֹאוּ הָאֲנָשִׁים עַל־הַנְּשִׁים כֹּל | נְדִיב לֵב הֵבִיאוּ חֹחַ וְנָזֶם וְטַבַּעַת וְכוּמָז כָּל־כְּלֵי זָהָב וְכֹל־אִישׁ אֲשֶׁר הֵנִיף תְּנוּפֶת זָהָב לַיהוָה׃

[35:23]

וְכֹל־אִישׁ אֲשֶׁר־נִמְצָא אֹתוֹ תְּכֵלֶת וְאַרְגָּמָן וְתוֹלַעַת שָׁנִי וְשֵׁשׁ וְעִזִּים וְעֹרֹת אֵילִם מְאָדָּמִים וְעֹרֹת תְּחָשִׁים הֵבִיאוּ׃

[35:24]

כָּל־מִוִּרִים תְּרוּמַת כֶּסֶף וְנִחָשֶׁת הֵבִיאוּ אֶת תְּרוּמַת יְהוָה וְכֹל אֲשֶׁר נִמְצָא אֹתוֹ עֲצֵי שִׁטִּים לְכָל־מִלְאֶכֶת הָעֲבֹדָה הֵבִיאוּ׃

[35:25]

וְכֹל־אִשָּׁה חַכְמַת־לֵב בִּיָּדֶיהָ טוֹו וַיָּבִיאוּ מִטוֹה אֶת־הַתְּכֵלֶת וְאֶת־הָאַרְגָּמָן אֶת־תוֹלַעַת הַשָּׁנִי וְאֶת־הַשֵּׁשׁ׃

[35:26]

וְכֹל־הַנְּשִׁים אֲשֶׁר נָשָׂא לִבָּן אֹתָנָה בְּחַכְמָה טוֹו אֶת־הָעִזִּים׃

[35:27]

וְהַנְּשִׂאִם הֵבִיאוּ אֶת אַבְנֵי הַשֹּׁהַם וְאֶת אַבְנֵי הַמַּלְאִים לְאַפֹּד וְלַחֹשֶׁן׃